

Visoki predstavnik objavio odluku kojom se omogućava isplata malim štedišama banaka pod privremenom upravom

Visoki je predstavnik Wolfgang Petritsch jučer donio Odluku kojom se vrše izmjene i dopune Zakona o bankama Federacije Bosne i Hercegovine. Ovom Odlukom se omogućava privremenim upraviteljima banaka da, ovisno o raspoloživim sredstvima i po potrebi na proporcionalnom osnovu, isplate položena sredstva u iznosu do 5000 KM prije dostavljanja izvješća o stanju banke Agenciji za bankarstvo. Takve isplate, prema vlastitom nahođenju, vrši privremeni upravitelj, koji je odgovoran i za utvrđivanje uvjeta pod kojim će se isplate vršiti.

Odluka se ne odnosi na račune čiji vlasnički status nije transparentan, niti na negotovinske depozite ili sredstva koja se čuvaju u sefu banke. Ovom se Odlukom također ne omogućava isplata depozita ili zajmova utvrđenih po posebnim stopama ili drugim finansijskim ustupcima za koje postoji sumnja da su nanijeli štetu finansijskom saldu banke.

Rukovodstvo i dioničari sa udjelom od najmanje 5% od kapitala banke, kao i osobe odgovorne za izvršavanje obveznih revizija računovodstvene dokumentacije banke nemaju pravo na ovakve diskrecijske isplate. Isplate se ne mogu vršiti ni rodbini niti zastupnicima ovih osoba.

Visoki je predstavnik izvršio izmjene i dopune stoga jer zakon u sadašnjoj formi ne omogućava isplatu sredstava malim

štedišama dok je banka pod privremenom upravom. Prema tome, ovom Odlukom je moguće skratiti period u kojem male štediše moraju čekati na povrat svojih uloga.

Izmjene i dopune stupaju na snagu odmah, te će biti objavljene u Službenim novinama Federacije